



UNIVERSITÄTS-
BIBLIOTHEK
PADERBORN

Horologium Spirituale Scholasticorum Societatis Jesu

Dirckinck, Johann

[Osnabrugi, 1696

Exercendi actus fidei, spei, charitatis [et]c.

Nutzungsbedingungen

[urn:nbn:de:hbz:466:1-55025](https://nbn-resolving.org/urn:nbn:de:hbz:466:1-55025)

ACTUS

Fidei, Spei, Charitatis & Con-
tritionis ante confessionem, tar-
dè & morosè exercendi.

CLementissime & benignissime Deus,
qui pro infinita bonitate tua, non vis
mortem peccatoris ; sed ut per fidem,
spem, charitatem & pœnitentiam ad Te
Deum ac Dominum suum convertatur &
vivat ; Ego miser & infelix peccator, ante
thronum divinæ misericordiæ tuæ humil-
limè prostratus, credo & profiteor, quid-
quid Divina tua Majestas nobis revelavit
& sancta Mater Ecclesia Catholica cre-
dendum proponit : quia tu es prima veri-
tas, & summa veracitas, quæ ob infinitam
bonitatem tuam nequit quenquam fallere

Spero in infinita Bonitate & Miseri-
cordia sanctissimæ & individuæ Trinitatis
Dei Patris, & Filii, & Spiritûs sancti, in san-
ctissimis meritis, sacratissimis vulneribus,
dolorosissima passione & morte Christi
Jesu. In meritis & intercessione Beatissi-
mæ Virginis & Matris Christi Jesu Mariæ,
& omnium Sanctorum. Propter hæc &

propter infallibilem promissionem tuam spero ; beatitudinem æternam & mediam te nobis clementer concessa , uti & remissionem peccatorum meorum ; quia tu, mi Deus, qui omnipotens es & summè fidelis es in promissis , & infinite propensus ad præstandum , quidquid promifisti , disertè pollicitus es per Ezechielem Prophetam c. 18. *Si impius egerit pœnitentiam ab omnibus peccatis suis, quæ operatus est, & custodierit omnia præcepta mea, & fecerit iudicium, vitâ vivet & non morietur. Omnium iniquitatum ejus, quas operatus est, non recordabor.*

Ego idem miserabilis peccator, clementissimum Deum qui me creavit, redemit, sanctificavit, qui mihi multoties peccatis indulgentissimè pepercit, Deum summum Bonum, quia summum Bonum est, ex toto corde, ex tota anima, ex omnibus viribus meis super omnia amo, & hoc amore super omnia detestor universa peccata mea ; & super omnia dolenda doleo, quia Deum summum Bonum, peccatis meis summo malo offendi. Eodemque amore propono, firmiter & statuo, vitam meam

curâ & studio super omnia diligentissimo emendare, ne summum & infinitum Bonum amplius offendam : & quę contra summam & infinitam DE I Majestatem commisi, in amaritudine animę meę confiteri, & corde contrito & humiliato pœnitentiam facere. O Majestas infinita! Ô summa Bonitas! ô Deus, meus & omnia! utinam te nunquam offendissem! Doleo, doleo ex toto cordis mei affectu, quod offenderim Te Deum, summum Bonum; qui me adeò dilexisti, ut pro me servo tuo vilissimo, mortem acerbissimam in cruce subire dignatus fueris. Ignosce bone Jesu, misericordiam & veniam humillimè petenti. Miserere mei peccatoris, pro quo apud Patrem tuum, vox sanguinis tui interpellat.

Ignosco & ego miserandus peccator, amore tui omnibus, qui me unquam offenderunt; & ab omnibus, quotquot unquam gravavi, scandalizavi, læsi, contristavi, contempsi, judicavi, veniam humiliter peto; iisque pro viribus satisfacere cupio.

Respice clementissime Deus, in divinis-
simum faciem, sanctissima vulnera, acerbis-

bissimam passionem ac mortem Christi
Jesu, in merita & intercessionem Beatissi-
mæ Virginis Matris Christi Jesu Mariæ, &
omnium Sanctorum tuorum. Propter hæc
omnia, & propter infinitam misericor-
diam tuam, miserere mei. Quidquid un-
quam boni feci, confirmo; quidquid un-
quam mali passus sum, accipio de paterna
manu tua; atque hæc omnia unio passioni
& meritis Jesu Christi, B. Mariæ semper
Virginis & omnium Sanctorum; ut per
hanc conjunctionem tibi placeant. Et sic
placatus Deus meus miserere mei secun-
dum magnam misericordiam tuam; & se-
cundum multitudinem miserationum tua-
rum dele iniquitatem meam. Amplius la-
va me ab iniquitate mea: & à peccato meo
munda me. Quoniam iniquitatem meam
ego cognosco, & peccatum meum contra
me est semper. Tibi soli peccavi & malum
coram te feci &c. Delicta juventutis meæ
& ignorantias meas ne memineris Domi-
ne. Cor contritum & humiliatum, da mihi
Domine, & ne despicias illud.

Omnes Sancti & sanctæ Dei, intercedi-
te pro me, & impetrate mihi misericor-
diam

diam Dei, contritionem & remissionem peccatorum, emendationem vitæ, bonum usum pœnitentiæ & aliorum Sacramentorum, iudicium Dei particulare mite & clemens, ac beatam æternitatem. Adeste & auxiliamini mihi semper & ubique Amen.

S. II.

Præstanda sub confessione.

I. **I**Nstar Filii prodigi totus rubore plenus, ob tam crebram propositorum violationem, frequentemque ingratitude- nem pro tot beneficiis, atque ob toties repetitam Patris cœlestis offensam, ad Sacerdotem Christi Vicarium accede, in genua procide, & benedictionem pete.

II. Subjunge *Confiteor* usque ad verba *mea culpa*: si plures adsint, ne detineantur, contractius ora: *Confiteor* Deo Omnipotenti B.M. semper Virgini, omnibus Sanctis & tibi Pater, quia peccavi nimis cogitatione verbo & opere. Deinde dic peccata tua. 1. Humiliter ea non excusando. 2. Breviter superflua non narrando. 3. Sincerè peccata non palliando. 4.

Honestè & clarè sufficienter ea explicando. Integrè, addendo numerum certum vel verisimilem.

III. Denique conclude. *De his & aliis* meis peccatis intimè doleo, quia Dominum Deum, summum Bonum offendi, & firmissimè propono emendationem, petoque salutarem pœnitentiam & absolutionem. Sub qua cogita animam tuam mundari pretioso JESU sanguine cujus merita per pœnitentiæ Sacramentum tibi applicantur. Et breviter contritionis actum renova. *O Deus, propitius esto mihi peccatori!*

§. III.

Agenda post Confessionem.

I. Pœnitentiam, tanquam ab ipso Christo injunctam, promptè accepta, levem reputa & mox împle.

II. Subjungi potest hæc oratiuncula. *Sit tibi Domine* obsecro meritis. B. M. semper Virginis & omnium SS. grata & accepta ista confessio mea; & quidquid mihi defuit, nunc & alias de sufficientia contritionis & propositi, deq; integritate con-

Alexipharmaca contra tentationes. 99
confessionis, suppleat pietas & misericor-
dia tua: & secundum illam, digneris me
habere plenius & perfectius absolutum in
cælo &c.

III. Deniq; tibi jam mundato, à Chri-
sto dici cogita: *Vade & iam amplius noli
peccare.* Ac deinceps diligentissimam cau-
telam & tui custodiam adhibe, exemplo
S. Ignatii, qui non minùs animum ab om-
ni labe tuebatur, quàm qui pretiosis or-
nati vestibus, viâ lutulentâ coguntur in-
cedere. Maffæus L. 3. vitæ c. 1.

§. IV.

ALEXIPHARMACA

Seu media efficacia contra ten-
tationes, præsertim carnales.

I. **P**rimum est fuga. *Fugite*, ait Apосто-
lus 1. Cor. 6. Fugienda igitur, occa-
sio, Societas, curiositas, otium, intempe-
rantia &c. 2. Præsentis Dei memoria. 3.
Accurata confessio & crebra communio.
4. Fervens oratio & protestatio, invoca-
tio B. V. Angeli C. S. Josephi, S. Xaverii,
B. Aloysii & castissimi Joannis Bergmanni,
qui invocatus post mortem, multis casti-
tatis